




RIGSADVOKATEN

Unnerluussisuunerup 2012
-imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

2012



Unnerluussisuunerup 2012
– imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

2012

Rigsadvokatens beretning 2012

Behandling af klager over politiet i Grønland

Publikationen kan hentes på Rigsadvokatens hjemmeside

<http://www.anklagemyndigheden.dk>

ISBN 978-87-994753-2-2 (Internet)

Layout: Rumfang 13194-72

ISSN 1601-4138

Imarisai

Siulequt	5
1. 2012-mit sulineq nalinginnaasoq.	6
1.1 Aallaqqaasiut.	6
2. Suliat kisitsisinngorlugit nalunaarsorneri aamma naammagittaalliuutit aalajangersimasut	8
2.1 Politiit pillugit naammagittaalliuutinik aalajangiiniartartut suliaat pillugit naammagittaalliuutit tiguneqarsimasut kisitsisinngorlugit takussutissiaq.	8
2.2 Politiit pillugit naammagittaalliuutinik aalajangiiniartartut suliaannut tunnga-Sut aalajangiiffigineqarsimasut.	9
2.2.1 Iliusaasut pillugit naammagittaalliuutit aalajangikkat kisitsisinngorlugit	9
2.2.2 Suliat pinerluttulerinermut tunngasut aalajangikkat kisitsisinngorlugit	10
2.3 Suliat Rigsadvokatimit aalajangiiffigineqartut kisitsisinngorlugit	12
3. Suliat aalajangersimasut misissorneri.	13
3.1 Inatsimmi kapitali 2 – iliuusaasut pillugit naammagittaalliuutit. .	13
3.2 Inatsimmi kapitali 3 – pinerluttulerani suliat	15
3.3 Suliat politimesterip nammineerluni aallartitai	20
Sulianut nalunaarutini siusinnerusukkut saqqummersitani allaaserineqartunut paasissutissat ilassutit	
3.4 § 17, imm. 2 malillugu misissuinerit.	24
Sulianut nalunaarutini siusinnerusukkut saqqummersitani allaaserineqartunut paasissutissat ilassutit	
3.5 Suliat Rigsadvokatimit suliarineqartut	25
Suliaasimasunik nalunaarsuut	30
Ilanngussaq	31
Ilanngussaq 1 : Kalaallit Nunaanni politiit pillugit naammagittaalliuutinik aalajangiiniartartut nalunaarusiorfinni 2012-imi ilaasortaat.	31

Siulequt

Kalaallit Nunaanni Inatsisartunut, Folketingemut aammalu Inatsisunik ator-titsinermik ministerimut

Kalaallit Nunaanni politiit pillugit naammagittaalliuutit aammalu pinerlut-tuleraluni suliat suliarineqartarnerat pillugu inatsit nr. 905 16. december 1998-ime-ersumi § 33 malillugu, inatsimmi kapitali 2-mi aammalu 3-mi taaneqartutut suliat suliarineqarsimanerat ukiumoortumik Rigsadvokatip nalunaarusiarisas-savai. Pineqarput politiini sulisuusut pillugit sulinermi nalaani iliuusaannut naammagittaalliuutigineqartut suliarineqartarneri, politiini sulisuusut pillugit pinerluttulerinermut tunngasut suliassat suliari-neqartarneri kiisalu politiit aku-liunnerisa kingunerisaannik toqusoqar-simatillugu imaluunniit pineqartunik politiinit tigummineqarnerup nalaani annertuumik ajoqusertoqarsimanerani misissuinerit.

Tamatumunnga naapertuuttumik matumuuna ukioq 2012-imut nalunaarusiorpunga.

Nalunaarusiami Kalaallit Nunaanni Politiit pillugit naammagittaalliuutinik aalangiiniartartut nalunaarusiaata ilaa ilanngunneqarpoq.

København, februar 2014

Ole Hasselgaard

1. 2012-imi sulineq nalinginnaasoq

1.1 Aallaqqaasiut

Politiit suliaat pillugit naammagittaalliutininik aalajangiiniartartut pillugit aaqqissuus-sineq Kalaallit Nunaanni atuutilerpoq 1. januar 2000 uangalu ta-amanimiilli ukiut tamaasa politiit suliaat pillugit naammagittaalliutininik aalajangiiniartarnernut tunngasut Kalaallit Nunaanni suliarineqartarnerinik Rigsadvokati nalunaarusiortar-poq. Siusinnerusukkut nalunaarusiarineqarsimasut unnerluussisussaataitaasut nittarta-gaanni www.anklagemyndigheden.dk aaneqarsinnaapput. Ukiuni 2000, 2001 kingullermillu 2002-mut nalunaarusiaasut imaqarput malittarisassat aaqqissuussi-nermi tunngaviusut peqqissaartumik sammineqarsimapput aamma poliitiit unner-luussisussaataitaasullu aaqqissu-unnegarnerisa suliaassallu allaaserineqarneri. Kalaallit Nunaanni politiit pillu-git naammagittaalliutininik aamma pinerluttoqarsimatillugu suliaqartarnernut tunngasut pillugit inatsit nr. 905 23. december 1998-imeersoq aamma naluna-arutit kaajallaasitalu ilanngussatut naqinneqarlutik ilanngunneqarput.

Inatsimmi nr. 305 30. april 2008-meersumi, 1. januar 2010 atuutilersumi, Kalaallit Nunaanni eqqartuussisarnermik inatsit nutaaq akuerineqarpoq. Taamaattorli Kalaallit Nunaanni politiit pillugit naammagittaalliutit aam-malu pinerluttuleraluni suliat suliarineqartarnerannut malittarisassat inatsimmi 1998-imeersumi immikkut naleqqussarneqarpoq.

Nalunaarusiami matumani 2012-imi politiit pillugit naammagittaalliutit toqqakkat misissorneqarput. Aammattaaq naammagittaalliutit pineqartut pillugit kisit-sisinnegortinneqarneri ilaapput



2. Suliat kisitsisinngorlugit nalunaarsorneri aamma naammagittaalliutit aalaja-ngersimasut

2.1 Politiit pillugit naammagittaalliutinik aalajangiini-artartut suliaat pillugit naammagittaalliutit tiguneqarsimasut kisitsisinngorlugit takussutissiaq

Politiit pillugit naammagittaalliutit tiguneqartut amerlassusaat nalunaarusiorfimmi 2012-imi 15-iupput nalunaarusiorfimmi 2011-mi 18-iusimallutik. § 17, imm. 2 malillugu misissuinerimik ataatsimik aallartitsisoqarpoq, suliallu inuit toqusimane-rannut imaluunniit annertuumik ajoqusersimanerannut, politiit akuliussimanerisa kingunerannik imaluunniit pineqartut politiinit tigummingerarnerisa nalaanni pisima-sunut tunngasuupput.

Tabel 1. Politiit pillugit naammagittaalliutit politimesterimi tiguneqarsimasut¹

Tiguneqarsimasut ukiuni	2005	2006	2007	2008	2009	2010	2011	2012
Politiit iliuusaannut naammagittaalliutit	13	17	9	12	8	6	9	8
Politiit pinerluttuliorsimanerinut naammagittaalliutit ²⁾	6(0)	9(0)	14(4)	14(0)	10(1)	11(7)	8(1)	7(3)
§ 17, imm. 2 malillugu misissuinerit	1	1	1	3	3	1	1	1
Aaqqissuussineq malillugu suliat katillugit	20	27	24	29	21	18	18	16

Nassuiaatit:

1) Politiit pillugit naammagittaalliutit Rigsadvokatimit tiguneqarsimasut, [takuuk tabel 7](#)

2) Angallannermut tunngasut ungaluusigaapput

2.2 Politiit pillugit naammagittaalliutinik aalajangiini- artartut suliaannut tunngasut aalajangiiffigineqarsimasut

Ukiuni nalunaarusiorfiusuni 2012-imi Kalaallit Nunaanni politimesterip suliat 16-it aalajangiiffigisimavai, 2011-mi suliat 18-it aalajangiiffigisimallugit.

Tabel 2. Politiit pillugit naammagittaalliutinik aalajangiiniartartut suliaat aalajangiiffigineqartut

Aalajangiiffigineqartut	2005	2006	2007	2008	2009	2010	2011	2012
Politiit iliuusaannut naammagittaalliutit	13	8	11	16	9	9	9	4
Politiit pinerluttuliorsimanagerit ¹⁾	5(0)	8(1)	5(3)	18(2)	13(0)	8(4)	7(1)	11(3)
§ 17, imm. 2 malillugu misissuinerit	4	1	2	1	2	2	2	1
Aaqqissuussineq malillugu suliat katillutik	22	17	18	35	24	19	18	16

Nassuiaatit:

1) Angallannermut tunngasut ungaluusigaapput

2012-ip naanerani suliat 19-it Kalaallit Nunaanni politimesterimi suliarineqarput 2011-mi 19-iusimallutik.

Tabel 3. Politiit pillugit naammagittaalliutinik aalajangiiniartartut suliassaat 31. december ingerlasut

	2008	2009	2010	2011	2012
Iliuutsit pillugit naammagittaalliutit	10	9	8	6	10
Pinerluttuliornerit	11	7 (1)	11 (4)	10 (2)	8 (3)
§ 17, imm. 2 malillugu misissuinerit	2	2	2	1	1
Katillugit	23	18	21	17	19

1) Angallannermut tunngasut ungaluusigaapput

2.2.1 Iliusaasut pillugit naammagittaalliutit aalajangikkat kisitsisinngorlugit
Iliusaasut pillugit naammagittaalliutit aalajangiiffigineqarsimasut kisitsisinn-gortinne-qarnerat, naammagittaalliutitut politeeqarfinni isumaqatigiissu-taasimasunut (nalu-naarsukkanut) paasisutissanik naammagittaalliutinik urtherinneqarsimasunik naamma-gittaalliutinillu itigartitsissutigineqarsimasu-

nik imaqarput. Aammattaaq suliat politiit ataasiakkaat/ "aaqqissuussaaneq" isornartorsiussallugit imaluunniit pisoq ajuusaaru-tigissallugu tunngavissaqar-simavoq.

Ukiumi nalunaarusiorfiusumi 2012-imi iliuusaasut pillugit suliat sisamat aalajangiif-figineqarput. Suliani taakkunannga marluk naammagittaalliutit tunngavissaqanngit-sutut itigartitsissutigineqarput. Suliat sinneri marluk nalunaarusiatut aalajangiiffigi-neqarput. Aalajangiinerit Rigsadvokatimut naammagittaalliutigineqanngillat.

Tabel 4. Suliat iliuusaasunut tunngasut aalajangiiffigineqarsimasut

Suliat iliuusaasunut tunngasut aalajangiiffigineqarsimasut	2005	2006	2007	2008	2009	2010	2011	2012
Naammagittaalliutit politeeqarfimmi isumaqatigiissutigineqartut ¹⁾	1	2	0	0	1	1	0	2
Naammagittaalliutit utertinneqartut	0	0	0	2	0	0	0	0
Naammagittaalliutit tunngavissaqanngitsutut utertitat ²⁾	9	5	8	12	6	7	7	2
Isornartorsiorneqanngilaq pisorli ajuusaarutigineqarpoq ³⁾	1	1	2	1	2	1	1	0
Isornartorsiuinissamat tunngavissalik ⁴⁾	2	0	0	1	0	0	0	0
Aaqqissuussinermut isornartorsiunerit ⁵⁾	0	0	0	0	0	0	0	0
Allat ⁶⁾	0	0	1	0	0	0	1	0
Katillugit	13	8	11	16	9	9	9	4

Nassuiaatit:

1) Nalunaarsukkat.

2) Tassani pineqarput ilaatigut suliat tunngavissaqanngitsut, misissuinerit naammagittaalliummut naapertuutinningsut aammalu suliani paasissutissat imminnut paarlangasut ("nalgiginnartut").

3) Suliami pisup naammagittaalliortumut utoqqatsissutigineqarnera, naak politiitut sulisup iliuusaata isornartorsiornissaanut patsisissaqanngikkaluartoq.

4) Politiitut atorfeqartup iliuusaanik isornartorsiunerit

5) Ingerlatseriaatsimut nalinginnaasumut aaqqissuussinerup isornartorsiorneqarnera

6) Suliaq unitsinneqarsimasoq pineqarpoq, ilaatigut naammagittaalliortup politimesterip saaffiginnissutaanut qisuariar-simannginera pissutigalugu

2.2.2 Suliat pinerluttulerinerimut tunngasut aalajangikkat kisitsisinngorlugit

Sulianut *pinerluttulerinerimut* tunngasunut kisitsisitigut takussutissiaq imaqarpoq sulianut paasissutissanik nalunaarutiginninnerik tunuartinneqartunik pivusorsior-tumik suliarineqanngitsunik aamma sulianik paasiniarneri unitsinneqartunik ima-luunniit uparuarneqanngiinnartussanik. Taamatuttaa q ilaapput

paasisutissat, sulianut politimesterip imaluunniit Rigsadvokatip unnerluutiginninnissamat tunngavissaqarsori-saannik.

2012-imi suliat pinerluttulerinermut tunngasut aqqanillit aalajangiiffigineqarsimapput, taakkunanga pingasut angallannermi suliaallutik.

Suliani aqqaniliusuni pingasuni unnerluussinissamat tunngavissaqartoqarsimavoq. Suliat marluk angallannermut inatsimmik unioqquitsinerupput. Suliaq ataaseq eqqartuussivitsigoortuunngitsumik akiligassiinermik aalajangiiffigineqarpq. Suliap aappaa eqqartuussivimmi akiligassiinermik aalajangiiffigineqarpoq, taamaattoorli suliamik suliarinninnermi piffissaq annertuallaartoq atorineqarsimammat atorunnaar-sinneqarluni. **Suliat taakku immikkoortumi 3.2-mi sukumiinerusumik eqqartorneqas-sapput.** Suliat pingajuat angalatluni angalanermut atatillugu naatsorsuusionermut atatillugu peqquserlunerneruvoq. Pineqartoq eqqartuussiviup eqqartuussutaani, Kalaallit Nunaanni Eqqartuussisuuneqarfimmi atortiinnarneqartumi, piumasqaaserlugu ulluni 20-ni inissiisarfimmiittussanngortillugu kiisalu peqquserlunneq pillugu 5.000 kr.-inik akiligassillugu pineqaatissinneqarpoq. **Suliaq taanna immikkoortumi 3.3-mi sukumii-nerusumik eqqartorneqassaaq.**

Tabel 5. Suliat pinerluttulerinermut tunngasut aalajangiiffigineqarsimasut

Aalajangiiffigineqartut	2005	2006	2007	2008	2009	2010	2011	2012
Nalunaarut itigartitsissutigineqarpoq ¹⁾	1	2	0	2	3	1	1	0
Misissuineq unitsinneqarpoq / unnerluussineq taamaatinneqarpoq ²⁾³⁾	3	4 (1)	3 (2)	11	9	4 (1)	2	7
Unnerluussinissamat tunngavissalik ⁴⁾	1	2	1 (1)	2 (2)	1	3 (3)	4 (1)	3 (2)
Allat ⁵⁾	0	0	1	3	0	0	0	1
Katillugit	5 (0)	8 (1)	5 (3)	18 (2)	13 (0)	8 (4)	7 (1)	11 (2)

Nassuiaatit:

- 1) Eqqartuussisarnermi inatsit § 337, imm. 2 malillugu akerlianik itigartitsineq.
- 2) Suliat angallannermut tunngasut ungaluusigaapput.
- 3) Taakkunani pineqarput suliat, eqqartuussiveqarneq pillugu inatsimmi § 338, imm. 3 malillugu (inuit pasineqanngitsut), akerleriimmata, unitsinneqarsimasut aamma suliat eqqartuussiveqarneq pillugu inatsimmi § 312 malillugu uparuaaffigi-neqarnissai taamaatiinnarneqarsimasut (inuit pasineqartut).
- 4) Taakkunani pineqarput suliat, unnerluussisutaasimasut, akiligassiisutaasimasut imaluunniit mianersoqqusummik nalunaarfigineqarsimasut.
- 5) Taakkunani pineqarput suliat utertinneqarsimasut, annikitsut (angallannermut tunngasut) il.il.

2012-imi suliamik ataatsimik § 17, imm. 2 malillugu suliarineqartunik aalajangiisoqarpoq (misissuinerit inuup toqusimaneranut imaluunniit annertuumik ajoqusersimaneranut, politiit akuliussimanerisa kinguneranik). Taanna nalunaarusiorfinni 2010-mi – 2011-mi immikkoortumi 3.4-mi sukumiinerusumik eqqartorneqarput.

Tabel 6. § 17, imm. 2 malillugu misissuinerit aalajangiiffigineqarsimasut

§ 17, imm. 2 malillugu aalajangiiffigineqartut	2005	2006	2007	2008	2009	2010	2011	2012
Misissuinerit unitsineqartut	2	1	2	1	2	2	0	1
Allat	1	0	0	0	0	0	2	0
Katillugit	3	1	2	1	2	2	2	1

2.3 Suliat Rigsadvokatimit aalajangiiffigineqartut kisitsisingorlugit

Rigsadvokati 2012-imi pinerluttuleraluni sulianik siullermiikkatut ataatsimik tigusaqar-poq. [Suliaq sulinermi telefonteritinneqartumik atonerluisimanermut tunngavaq immik-koortumilu 3.3-mi sukumiinerusumik eqqartorneqassaaq.](#) Suliaq suli suliarineqarpoq.

Tabel 7. Politiit pillugit naammagittaalliutit Rigsadvokatimut takkussortut immik-koortiternerat

Suliasaq takkuttooq	2005	2006	2007	2008	2009	2010	2011	2012
Suliaq uannga naammagittaalliutaavoq								
– <i>politiit atorfilimmit</i>	0	0	0	0	0	0	0	0
– <i>innuttaasumit</i>	0	0	0	1	1	0	0	0
– <i>politiit pillugit naammagittaalliutinik aalajangiisartut</i>	0	0	0	0	0	0	0	0
Suliat siullermiikkatut Rigsadvokatimit suliarineqartut	0	2	2	3	0	0	0	1
Katillugit	0	2	2	4	1	0	0	1

3. Suliat aalajangersimasut misissorneri

Sulianik aalajangersimasunik misissuinerup suliat nalinginnaasut arlariaat 2012-imi suliarineqartut erseqqissaavigineqarnissaat siunertaraa.

3.1 Inatsimmi kapitali 2 – iliuusaasut pillugit naammagittaalliutit

Politimesterip 2012-imi politiit sulinerminni iliuusaannut naammagittaalliutit sisamat aalajangiiffigivai. Taakkunani marluk nalunaarsukkatut suliarineqarput. Immikkoortumi uani iliuusaasut pillugit suliat marluk nassuiaatigineqarput.

Tiguarinninnermut atatillugu politiit nukersorsimanerat pillugu naammagittaalliut

(55PM-00173-00008-11)

Tiguarinninnermut atatillugu politiit nukersorsimanerat naammagittaalliorput ukiu-kitsup K'p naammagittaalliutigaa. K'p naammagittaalliummini ilaatigut allappaa, politiip P1'ip qungatsimigut sakkortuumik tiguisimagaani kiisalu nukersorluni uppitis-simagaani, taamaalilluni K tunuatigut anniaateqalersillugu.

Suliami allaqqavoq nalunaaruteqartup A'p politiit attavigisimagai oqarlunilu K pisini-arfimmi tillinniarsimasoq tiggummillugulu. A'p oqaatigaa K'p A saasukkaa, taamaalillunilu politiit ornigunnissaat piumasaralugu. Kingornatigut politiit biilii politiimik P1'imik P2'millu issimasullit piffimmukartinneqarput.

Politiitut sulisut assigiimmik nassuiaapput, politiit takkunneranni K puffasimaarsi-masoq aammalu aalassassimasoq, aammalu politiit piusasaannut malinnikkumasi-manngitsoq. Tamanna tunngavigalugu P1'ip K paffequserlugu tiguarivaa.

Politiitut sulisut nassuiaanerat naapertorlugu K'p – niuertarfimmiit aniartornerminni – sulisut ilaat ajappaa, taamaalillunilu pineqartoq uppisingajallugu, aammalu K'p arla-leriarluni oqaatigisimavaa sulisut eqqaamajumaarlugit.

P1'ip nassuiaatigaa tamatuma kingorna K'p sulisunut pisinianulluunniit saassusseq-qinnissaa pinngitsoortinniarlugu niuertarfimmiit anninniarlugu sivikitsukullammik K qungasiatigut kiisalu sakiata nalaatigut tiguisimallugu.

Assersuut 1

Piffimmi piffikipallaarnera pissutigalugu K akunnermiliutissallugu politiinut ajornarsimavoq. P1'ip oqaatigaa niuertarfimmi pisiniat sulisullu isersimaffigisaat nallilerlugulu iperarsimallugu, aammalu politiit biiliinut aqquataa sinnera K taliatigut taamaallaat tigummisimallugu.

Naammagittaalliuut tunuliaqutaralugu politimesterip K'p anaanaa, K'mut oqartus-saasoq, allagaqarluni saaffigivaa aperalugulu K kingornatigut nakorsamit misissorne-qarsimansoq. Aammattaaq politimesterip qinnutigaa, nakorsamit misissorneqarsi-massappat paasissutissanik piniarnissamut akuersisummik perusulluni.

Saaffiginnissut K'p anaanaata qisuariarfigingilaa.

Politimesteri isumaqanngilaq K'p naammagittaalliuutaa suliama paasissutissanit upper-narsarneqartoq. Oqaatigineqartut piffimmi K'p pissusilersuutai, ilaatigut tigusarine-qareerluni piaaraluni sulisumik ajatsisimanagera, eqqarsaatigalugit, P1'ip nukersor-simanagera pisumi pisariaqarsimasoq politimesterip nallilerpaa.

Taamaalilluni P1'ip pissusilersuutai isornartorsiussallugit politimesterip tunngavissa-qartinngilaa.

Politimesterip aalajangiineranut Politiit pillugit aalajangiiniartartut isumaqataapput.

Assersuut 2

Politiip pissusilersuutai pillugit naammagittaalliuut (nalunaarsuineq)

(55PM-00171-00001-12)

Naammagittaalliorup K'p tigusarineqarnermini oqaatigaa, imminornissamut eqqar-saateqartarnerminut politeeq P pisuusoq.

Tamanna tunngavigalugu kingornatigut K politeeqarfimmi oqaloqatigineqarnissamut aggersarneqarpoq. Oqaloqatigiinnermi oqaatigaa ukiup siuliani kollegiaminiit anisi-taagami politiit attavigisimallugit. Tassunga atatillugu P'p allaffiani oqaloqatigi-simavaa.

Qaammat ataaseq qaangiuttoq grillbarimi issiatilluni malugilerpaa politiit biiliat P aquttoralugu saneqquttut. P isaatigut qiviarpaa, kingornalu grillbari tallimariarluni saneqquttarpaa. Aammattaaq K'p nassuiaatigaa kingornatigut P'p telefonikkut attavi-gisimagaani, aammalu kingornatigut aappariinnermut assingusumik attavigiitallarsi-mallutik. K'p oqaatigaa ilaatigut ataasiarluni P sulisoq politiit biiliini ingerlaqatigisi-mallugu, aammalu P'p piumasaqarneratut K politeeqarfiliarsimavoq P kisimiiittoq. Kinguninnguatigut allaffimmioq takkupperoq, taamaattumillu P'p qinnuigaa aneqqullugu. Aniartorluni P'p kunnissimavaa. Kingornatigut P K'mut sianerpoq aggeqqeqqullugulu, tamannali itigartissutigaa. K naapertorlugu P kamalerpoq K'lu oqarfigalugu attaveqati-

giinnertik tamaanga killeqartoq. Taamaattorli P ullut tamaasa K'mut sianeqat-taartarpoq, naak sianeqqikkumanani neriorsuereeraluarluni.

K'p paasissutissiineri tunngavigalugit K'p telemi paasissutissaatai piniarne-qarput. Tassani takuneqarsinnaavoq K'p telefoniata normua aatsaat atulersi-masooq qaamma-tialuit qaangiuttut P'p attaviginninnerata kinguneraniit.

P suliamut oqaaseqartinneqarpoq. Tassani allaqqavoq ilumoortoq K'lu qanil-luin-narlutik attaveqatigiittarsimallutik.

K oqaloqatigiinnissamut aggersarneqarpoq, paasitinneqarporlu telefon-normu tunniun-neqartoq paasissutissanik atorneqarsinnaasunik pissarsiviusi-manngitsoq. Aammattaaq paasitinneqarpoq P'p sulinermini pissuserisimasaa akuerineqarsinnaanngitsoq. K'p oqaatigaa iliuuserineqarsimasut naammagalugit, kiisalu allanik iliuuseqartoqaaqqissan-ngitsoq kissaatigalugu.

Kingornatigut politimesterip Politiit pillugit naammagittaalliutinut aala-jangiiniartar-tunut innersuussutigaa suliaq taamaatinneqassasooq. Tassunga atatillugu politimesterip oqaatigaa P'p sulinermini pissuserisaa akuerineqarsin-naanngitsoq, taamaattumillu P'p ulluinnarni aqutsisua attavigilersaarini P'p pissusilersuutai pillugit oqaloqatigeqqul-lugu, ilaatigut P'mut oqaatigeqqul-lugu aappariinnermi pissutsit suliffiup avataani pisariaqartut, kiisalu inunnut, politiit suliaannut attuumassutilinnut, kajumissaar-neqarani attaviginninneq pisortat sulinerannut akerliulluinnartoq. Aammattaaq politimesterip oqaatigaa P paasitinneqartariaqartoq, siunissami politeeqarfik imaluun-niit politiit biilii aappariinnernut assingusunut atorneqaaqqissagaluarpata, iliuuserisat pillugit mianersoqqussummik tunniussinermik kinguneqarsinnaasut.

Politimesterip aalajangiineranut Politiit pillugit aalajangiiniartartut isumaqa-taapput.

Politimesterip oqaatigaa kingornatigut P oqaloqatigineqarsimasooq.

3.2 Inatsimmi kapitali 3 – pinerluttuleraluni suliat

2012-imi pinerluttuleraluni sulianik aqqanilinnik aalajangiisoqarpoq.

Immikkoortumi uani suliat tallimat nassuiaatigineqarput.

Politiit biilianni sukkassusissamik qaangiineq

(55PM-00172-00007-10)

Angallannermi misissuinermut atatillugu, sumiiffimmi akuerisaasumik 40 km/t-imut sukkassuseqarfiusinnaasumi politeeq P politiit biiliannik 71 km/t-imik sukkassuse-qarluni biilerpoq. Sukkassuseq laser atorlugu uuttortarneqarpoq. P

Assersuut 1

angallannermi inatsimmi sukkassusissamut aalajangersakkamik unioqqutitsisimasutut pasineqarpoq.

Politiit pillugit naammagittaalliuutinik aalajangiiniartartunut saqqummiusinermi akiligassiisummik P'mut nalunaarutigineqartumik sanasoqarpoq.

P'p kissaatigaa laserimut immersuiffiik takorusullugu, uuttortaanerup inenera eqqaa-masaqarfiginnginnamiuk. Immersuiffik nassaarineqarsinnaasi-mannngilaq, politiillu, angallannermi misissuisuusut, eqqaamannngilaat angallannermi misissuinerup pinngin-nerani piumasarisaasut malillugit misissuut misissorreqarsimanersoq.

Kingornatigut suliaq Rigspolitiini Angallannermut immikkoortortaqaqfimum (Færdseksafdeling) saqqummiunneqarpoq paaserusunneqarluni – misissuut pisaria-limmik misissorreqanngikkaluartoq – biilernerup arriinnerpaaffia aalajangerneqar-sinnaanersoq. Rigspolitiit akissutaanni ersepoq arriinnerpaaffik aalajangerneqarsin-naasimannngitsoq.

Paasissutissat nutaat tunngavigalugit suliaq Politiit pillugit naammagittaalliuutinut aalajangiiniartartunut saqqummiunneqaqqipppoq, innersuussutigineqarluni suliap upper-narsaatigineqartut atorlugit taamaatinneqarnissaa.

Politiit pillugit naammagittaalliuutinut aalajangiiniartartut innersuussineq akuersaar-paat, kisianni malittarisassat naapertorlugit misissuinerup ingerlanneqarsimannnginnera isornartorsiorlugu. Aammattaaq Politiit pillugit naammagittaalliuutinut aalajangiiniar-tartut isornartorsiuippot, laserinik atuinissamut Kalaallit Nunaanni Politiit ingerlaavar-tumik ilinniartitsisarsimannngimmata, tamannalu suliame ersepoq.

Aammattaaq politimesterip oqaatigaa, laserimik atuisinnaanissamik politii-nik ilinniar-titsinissaq 2014-imi pilersaarutigineqartoq. Aammattaaq erseqqis-saatigineqarpoq suk-kassutsinik uuttortaanernut atatillugu laserinik atuisussat tassaassammata politiit pikko-rissarnermut akuersisamut peqataasimasut.

Tamatuma saniatigut politimesterip oqaatigaa angallannermi suliat allat, angallan-nermik misissuinerup atatillugu innuttaasut akiligassanik akuersil-lutillu akiliisimasut, suliareqqinneqarsimasut, aammalu akiligassat utertinne-qarsimasut.

Assersuut 2

Tigusarineqarnermut atatillugu nakuuserneq pillugit nalunaarutiginninneq (55PM-00174-00005-11)

Innuttaasoq politiini sillimasumut telefonikkut saaffiginnippoq nalunaaruti-galugulu, komunefoged K taassumalu erner marluk S1 aammalu S2 tigusari-neqarsimasumut A'mut nakuusertut, ilaatigut isimmigarlugu. Nalunaaquttap akunnerata affaata missaa qaangiuttorlu K sillimasunut sianerportaaq oqar-

lunilu A K'p illuanut aserortersima-soq, taamaalillunilu K'p A paffequserlugu eqqissisissimallugu. Tassunga atatillugu K'p politiit ikiuunnissaat kissaatigaa.

Piffimmi paggittoqarunnaarsimammat politiit aalajangerpaat helikopterimik angal-lammilluunniit attartornikkut pilertortumik ornigunnissaq pisariaqann-gitsoq.

Aammattaaq suliami allaqqavoq K'p ernera S1 ulluklut nunaqarfimmi niu-ertarfimmi karsimik immiaaqqanik imalimmik tillissimasoq. Piffissami tassani ilaatigut A ilagisi-mavaa. S1'ip A ilagalugu pingajuminnukarsimapput karsi til-litaq nassarlugu.

Kingornatigut K kommune-fogeditut atuulluni takkuppoq. K'p karsi immia-qqanik imalik tiguua niuertarfimmullu utertillugu. Tillinniarneq nalunaaru-siarinnigilaa.

Kingornatigut S1 A'lu K'p illuata tungaanut aallarput. Tunganut A S1'imut oqarpoq K anaaniarlugu, aammalu arlalinnut SMS-erluni taamatut allalluni. K'p illuanut apuuk-kamik A'p ujaqqamik puujaasanillu illup igalaavi milloorpai aserorlugit. Piffissami tamatumani S1'ip A eqqissisaraluarpa. Illup iluani S2 suli isersimavoq.

Kingornatigut A, illuatungalugit K, S1 aammalu S2, paggisilerput, tassun-galu atatil-lugu A paffequserneqarpoq.

K'p nassuiaatigaa imminut illersorniarluni A'p tigusariniarnerani anaallugulu isim-missimallugu, A'p paffequsinninnerani K saassuteriaraluarmagu.

Paarlattuanik A'p nassuiaatigaa K'mit tigusarineqarami eqqissisimasimalluni, aammalu nammineq piomalluni paffequserneqarsimalluni. Aammattaaq A'p nassuiaa-tigaa kinguninnguatiqut K'p isassimagaani uppitillunilu, kingornalu K S1'imut S2'mullu oqarsimasoq A unatassagaat. A'p nammineq nassuiaaneratut niaqqumigut timimigullu isimmigarneqarpoq, kisiannili oqaatigisinnaanagu kiap isimmigarneraani qanorluunniit amerlatigisunik isimmigarneqarnini. Nag-gataatigut A'p nassuiaatigaa nakuuserneq K'p unitsissimagaa.

Suliamut atatillugu takunnittut amerlasuut killisiorneqarput, taakkulu pisoq pillugu assiiginngitsunik paasinnipput.

Takunnittut marluk ilaatigut nassuiaatigaat K, S1 aammalu S2 A'mut nakuu-sertut takusimallugit.

Taakkulu takunnittut A'p paffequserneqareernerata kingorna anaaneqarsi-manera isimminneqarsimaneluunniit takunngilaat. Paarlattuanilli arlalinni nassuiaatigine-qarpoq S1'ip aammalu S2'p nakuuseqqinniarneranni K'p unitsis-simagai, aammalu A'p passunneqarnissaanut ikiorsimagaat.

Politimesterip aalajangiinermi tunngavilersuutigaa A'p tigusarineqarnera-nut atatillu-gu paggittoqalersimanagera, aammalu A'p paffequserniarneranut ta-

kunnittup ataatsip aammalu S2'p ikiuussimanerat. Aammattaaq politimesterip tunngavilersuutigaa S1'ip aammalu S2'p – A paffequserneqareersorlu – K'mit unitsinneqarnissamik tungaannut A nakuuserfigisimagaat.

A'p nassuiaanera, eqqissisimasimalluni, uppennangitsutut politimesterip nalilerpaa, suliami allaqqammat A aalakoorsimasoq, K kamaassimagaa, aammalu K'p nakuuser-figinissaa siunertaralugu K'p illuanukarsimasoq.

K'p pisarialimmik nakuusernerusimaneranut politimesterip naliliinermini tunngaviler-suutigaa K'p imminut illersornissamut imaluunniit nakuusernis-samut ilinniarnikuun-ngisaannarsimanera. Tamanna tunngavigalugu politimesteri isumaqarpoq – politiit ilinniarsimasut atuisarnerannik annertunerusumik – pinerluttup eqqissisarniarnerani nakuusernerit aalajangersimasut atornagit anaalerulunilu isimmigaanissaq naatsorsuu-tigineqarsinnaasoq.

Politimesteri aamma isumaqarpoq karsip immiaaqqanik imallip tillinneqarsi-maneranut atatillugu K nalunaarusiorsimasariaqaraluartoq. Taamaattorli politimesteri isumaqar-poq K tamatumunnga isornartorsiugassaanngitsoq, K'p kommune-fogeditut suliner-minut atatillugu tamatumunnga ilinniarsimann-gimmat.

Tassunga atatillugu politimesterip malugeqquaa, kommune-fogedit ilinniartinneqar-nissaat pilersinniarlugu Politimestereqarfimmit sulissutigineqartoq.

Suliamik misissuineq kingornatigut – K'mut tunngatillugu – unitsinneqarpoq.

Pisut aallaavigalugit politiit pillugit naammagittaalliuutinut aalajangiini-artartut politi-mesterip aalajangiineranut isumaqataapput.

Kingornatigut K atorfiminut tunuarpoq, taamaalillunilu pissuserineqartut pillugit suliamik aallartitsinissaq pisinnaasimanani.

Politimesterip ilassutigalugu oqaatigaa politeeqarfimmi kommune-fogedit 2012-imi ilinniartinneqarsimasut. Ilinniarneq sapaatit akunneranni ataatsimi atuagarsornermik aammalu sapaatit akunneranni ataatsimi misiliinermik imaqarpoq. Atuagarsornermi kommufogedit ilaatigut eqqartuussisarnermik inatsimmik, pinerluttulerinermik inat-simmik, nakuusernermik, napparsimasut qanoq sullinneqarnissaannik kiisalu tigusa-rinninnermi malerugassanik sukumi-nerusunik ilinniartinneqarput. Misiliinermut ata-tillugu kommune-fogedit politeeqarfimmi sulipput. Piffissami tassani kommune-fogedit 50-it atorfeqarput, taakkunanngalu 36-it ilinniarneq ingerlappaat. Sinneruttut piffissa-mi kingu-sinnerusumi ilinniarneq ingerlakkumaarpaat.

Nassaanut tunniunneqartunut atatillugu politiiip nalunaarutigineqarnera*(55PM-00174-00007-11)*

Innuttaasup B’p politiiinut nalunaarutigaa ukiup ataatsip missaa sioqqullugu, 600 kr.-it, Grønlandsbankip silataani nassaani, politiiinut tunniussimallugit. Oqaatigaa aningaasat taakku nassaatur politiiimut P’mut tunniussimallugit. Pinqartup oqarfigisimavaa ukioq ataaseq qaangiuppat politiiinut saaffiginninnikkut aningaasat tigusinnaajumaarai, piffis-sami tassani aningaasat tiguneqarsimangippata.

Suliami allaqqavoq kassebogemi ujarlernerimi 600 kr.-inik allaqqasoqanngitsoq, aammalu ulloq unnuarlu allattugaatini allaqqasoqarani ullormi pineqartumi B’p aningaasanik tunniussisimaneramik.

P killisiorneqarpoq, kingornatigut pissutsit allat pillugit soraarsinneqarsimasoq. P’p nassuiaatigaa eqqaamanagu 600 kr.-inik nassaatur eqqussisoqarsimamera.

B allagartamik uppersaammik imaluunniit allamik ippersaammik, aningaasat politiiinut eqqunneqarsimanerannut uppersaataasinnaasunik, tunniussaarsinnaasi-manngilaq.

Tamatuma kingornatigut suliamik misissuineq politimesterip unitsippaa, isumaqarami pinerluttoqarsimanissaa ilimanaateqanngitsoq.

Politimesterip aalajangiineranut Politiit pillugit aalajangiiniartartut isumaqataapput.

Assersuut 3**Tunumorsornermut atatillugu angallannermi ajutoorneq***(55PM-00172-00005-10)*

Politeeq P sulinermini angallannermi ajutoorneqarpoq.

Ajutoortoqarnerani nalunaarut, P’p suliarisimasaa, naapertorlugu P’p politiit biiliannik aqulluni tunumorsorluni biili tunuminiit aggersoq aporjaa.

Kingornatigut killisiuinerimi P angallannermi inatsimmik unioqquutisisimasut pasi-neqalerpoq, sulinermini tunumorsorluni allanut ajoqutaannginnissaa isumannaqqaar-nagu ingerlasimanini pillugu.

P pisuunnginnerarpoq, nassuiaatigaalu tunumorsulinnginnermini tarrarsuutikkut misissoqqaarsimalluni. Aammattaaq nassuiaatigaa piffik ajutoorfiusoq maniissimasoq, taamaalillunilu isumaqarnerarpoq biili tunuaniit aggersoq qat-tunermit tarrisimasimasin-naasoq. Nassuiaanera malillugu tunumorsorunnaareersoq politiit biiliat eqqortippoq.

Ajutoorneqarnerimi illuatungiusoq M nassuiaavoq, politiit biiliat, siuatungimini ingerlasoq, tassanngaannaq unissimasoq kingornalu tunumorsorfigisimagaani.

Ajutoortoqarnerani M’ip sillimmasiisarfimmut nalunaarutaani aammattaaq

Assersuut 4

allaqqavog P M'ip siornani 30-40 meter ungasitsigaluni tassangaannaq unissimasoq tunmorsuler-lunilu. M uninngasimavog polititit biiliannit aporneqarami.

Politimesterip Politiit pillugit naammagittaalliuutinut aalajangiiniartartunut nalunaaru-tigaa P ajutoornermut atatillugu angallannermut inatsimmik unioqutitsisimasutut unner-luutigineqarsimasog.

Politimesterip aalajangiineranut Politiit pillugit aalajangiiniartartut isumaqataapput.

Unnerluussineq naapertorlugu P kingornatigut pineqaatissinneqarpoq. Piffisami eqqartuussutip isumaqatiginninniutigineqarnerani ajutoortoqarneraniit ukiut marluk qaammatillu tallimat qaangiullunnersimmamata, P'p piliaata pisuussutiginnigisaanik, akiligassaq atorunnaarpoq.

Assersuut 5

Takussutissat akerliannik ikuallattoqarnerani aqqtissakkut biilerneq

(55PM-00172-00002-11)

Innuttaasog B nalunaarutiginnippoq politeeq P ikuallattoqartillugu aqqtissakkut biilertoq piffimmi takussutissat unioqqtillugit.

Nalunaarutiginninneranut tunngaviuvoq P'p B unitsissimmamagu meeqqamik miki-sumik qitequsersimannngitsumik biilernermini ilaasoqarnera pissutigalugu angallan-nermi inatsimmik unioqqtitsisutut pasillugu. Suliani nangiinarlugit P ikuallatto-qartillugu aqqtissakkut ingerlavoq piffimmi takussutissat unioqqtillugit.

P'p tamanna nassuerutigaa, taamaalillunilu suliaq akiligassiinermik 500 kr.-inik annertussusilimmik inerneqarpoq. Tamanna pitinnagu suliaq Politiit pillugit naamma-gittaalliuutinut aalajangiiniartartunut saqqummiunneqarpoq, taakkulu aalajangiinermut isumaqataapput.

Aammattaaq P paasitinneqarpoq politimesteri isumaqartoq politiini sulisut angallan-nermi unioqqtitsinerat tulluannngitsorujussuaq, aammalu innuttaasumut, aatsaan-nguummat unioqqtitsilluni akiligassinneqaqqammersumut, takutitsinerlunneq anner-tuujusoq. P tamatumunnga isumaqataavog pisorlu ajuusaarutigalugu.

3.3 Suliat politimesterip nammineerluni aallartitai

§ 17, imm. 1-imi aalajangersagaq malillugu, polititit sulisut sulinerminni pinerlus-simanagerat ilimanarluinnartillugu nalunaarutiginnittoqarsimappat nammineerluniluun-niit politimesterip misissuineq aallartittarpaa.

Innuttaasup nalunaaruteqarsimanera tunngavigalugu nalinginnaasumik misissuineq aallartittarpoq. Aammattaaq pinerluttoqarsimaneranut paasissutissa-

nik paasitineqaruni politimesterip misissuineq aallartittarpa. Immikkoortumi uani suliat sisamat politi-mesterip nammineerluni misissorlugit aallartitai nasuaatigineqarput.

Sakkuusivimmi hashimut tammaasamut atatillugu misissuineq

(55PM-00174-00008-11)

Politeeqarfiit ilaannut politimestereqarfiup angalaneranut atatillugu misissuinnermi paasineqarpoq hashi 1 kg missaaniittoq amigaataasoq. Arsaarinnissutaasut allattorsi-maffianni hashi allaqqavoq, kisiannili politeeqarfimmi nassaari-neqarsinnaasimanani.

Kingornatigut misissuisoqarpoq Rigspolitiit Rejseholdiisa peqataaffigisaannik.

Misissuineq naapertorlugu ilimagineqarpoq politeeq P atorfinimmat hashi politeeqar-fimmiissimassasoq.

Piffissami tamatumani, paasineqarmat hashi amigaataasoq, P suliame allami hashimik, ilaatigut hashimik politiit pigisaannik, tuniniaasimasutut pasineqarpoq. Kingornatigut P pasineqalerpoq suliame pineqartumi killisiorneqarluni. Pisuunnginnerarpoq, nassui-aatigaalu kikkut tamarmik hashi sakkuusivimmiittoq pissarsiarisinnaasimagaat, politee-qarfimmi politiit tamarmik matuersaateqarsimmata.

Politiini sulisut arfinillit politeeqarfimmut attuumassuteqartut politimesterip killisior-pai. Hashimut tammaaneqartumut atatillugu allanik pasilliinissamut paasissutissanik pissarsisoqanngilaq.

Suliame misissuinerup paasinarsisippaa kikkut tamarmik politeeqarfimmut isersinnaa-simasut ikiaroorartut arsaarinnissutaasimasut iserfigisinnaasimagaat, sakkuusivimmut matuersaat piffissami pineqartumi matuersaasivimmi parnaarsimangitsumiimmat. Politiit, politeeqarfimmut attuumassuteqartut, saniatigut allaffimmiut aammalu asaasut aammattaaq hashimut isersinnaasimapput.

Tamanna tunngavigalugu suliamek misissuineq politimesterip unitsippaa, aammalu P'mik unnerluussineq taamaatillugu.

Politimesterip aalajangiineranut Politiit pillugit aalajangiiniartartut isumaqataapput.

Aammattaaq politimesterip oqaatigaa suliap kingunerisaanik aningaasivik, ulluinnarni aqutsisup kisimi iserfigisinnaasassaa, immikkut pisiarineqarsimasoq. Kingornatigut hashinik arsaarinnissutinut atatillugu politeeqarfimmi pisusaanngitsunik malugisaqar-toqarnikuunngilaq.

Aammattaaq politimesterip oqaatigaa – suliap pineqartup kinguneranik – ha-

Assersuut 1

ship paarinissaanut nalunaarsornissaanullu maleruagassat Kalaallit Nunaanni Politiini sulisunut tamanut sukannernerulersissimallugit, ilaatigut ikiaroor-artut qanoq paari-neqassanersut kiisalu kikkut tamatumunnga isersinnaati-taassanersut. Aammattaaq maleruagassat naapertorlugit politiit namminneq misissuinaasa ingerlanneqarnissaat sukannernerulersinneqarpoq, taamaalil-luni politiit sulisut pisariaqanngitsumik pasine-qarnissaat annikillisarneqas-sammatt.

Assersuut 2

Sulitilluni angalanerit naatsorsuusiarineqarnerannut atatillugu peqquserlunneq

(55PM-00174-00004-10)

Angalanermut naatsorsuusiaq, politikommissæríp P’p tunniussimasaa, pillugu Rigspolitiit Revisionsenhediata apeqquteqaatigaa.

Naatsorsuusiap takutippaa tiimimusiát/ullormusiát tигunneranni maleruagasiát malinne-qarsimanningsut.

Tamanna tunngavigalugu suliamik misissuineq aallartinneqassasoq politimesterip aalajangerpaa, aammalu ilaatigut angalanerimi naatsorsuusiat P’mut tunngasut allat pissarsiarineqarput. Suliamik misissuinerimi Rigspolitiit Rejsehol-dii ikiuupput.

P’p angalanerimi naatsorsuusiasa misissorneqarneranni paasinarsivoq P arla-leriarluni pisusaanani tiimimusiát/ullormusiát qinnutigisarsimagai.

Politimesterip aalajangerpaa P taamaalilluni peqquserluttarsimasoq taman-nalu pillugu unnerluutigalugu.

Politimesterip aalajangiineranut Politiit pillugit aalajangiiniartartut isumaqa-taapput.

Kingornatigut P eqqartuussivimmi, kingornatigut Kalaallit Nunaanni Eqqar-tuussisuu-neqarfimmi atortinneqartumi, eqqartuussummik pineqaatissiinngik-kallartumik ulluni 20-ni inissisarfimmiittussanngortitsinerimik piumasaaqatita-limmik kiisalu peqquserlunneq pillugu 5.000 kr.-inik akiligassillugu pineqaatis-sinneqarpoq.

Assersuut 3

Politeeqarfimmi hashimut tammartumut atatillugu misissuineq

(55PM-00174-00003-11)

Politeeqarfimmi hashinik arsaarinnissutinik politimestereqarfiup misissuineran-ut atatil-lugu paasineqarpoq suliát pingasut equngasortaqaqtut, hashi 600 gramit missaanniittoq amigaataammatt. Hashi arsaarinnissutit akornanni al-laqqagaluarpoq, politeeqarfimmiilli tammarsimalluni.

Tassunga atatillugu misissuineq politimesterip aallartippaa, Rigspolitiit Rej-

seholdii ikiuttut. Hashi pillugu pasilliinermik imaluunniit qanoq pisimasinnaaneraniq misissui-neq kinguneqanngilaq. Misissuinerup takutippaa kikkut tamarmik politeeqarfimmut isersinnaasut hashimut isersinnaasimasut.

Politimestereqarfiup misissuiartornera qaammatinik marlunnik sioqqullugu hashit arsaarinnissutit akisussaaffigineqarnerat politiimiit politiimut allamut tunniunneqarpoq. Tassunga atatillugu paasineqarpoq equngasoqartoq, kisiannili malinnaaffigineqar-simanatik.

Suliamik misissuineq politimesterip unitsippaa, misissueqqinnissamut periarfissaa-russimaneq pissutigalugu.

Politimesterip aalajangiineranut Politiit pillugit aalajangiiniartartut isumaqataapput.

Iliuutsit pillugit suliami malersuisoqalinngilaq, kisiannili politeeqarfimmi uluinnarni aqutsisumik suliat pillugit oqaloqatiginnittoqarpoq, hashit arsaarinnissutigineqartut akisussaaffigineqarnerisa allamut tunniunneqarnerisa equngasoqarnerat malinnaavigi-neqarsimasariaqaraluarimat.

Aammattaaq politimesterip oqaatigaa uuma suliap kingorna haship paarinisaanut nalunaarsornissaanullu maleruagassat Kalaallit Nunaanni Politiini sulisunut tamanut sukannerulerersissimallugit. [Suliat nr. 55PM-00174-00008-11 suliani eqqartorne-qartoq innersuussutigineqarpoq.](#)

Nunaqarfimmi hashimik nassiussinermi politiit peqataasimanerannut paasissu-tissanut atatillugu misissuineq

(55PM-00175-00026-11)

Politiip P'p nunaqarfimmut suliarlorluni angalanerminut atatillugu aapparit Æ, nuna-qarfimmi najugaqartut oqaluffimmillu ingerlatsisut, naapippai. Takku P oqalut-tuuppaat inuusuttuni nalunnginneqartoq hashinik nassuissuinnermi politiit peqataasartut.

P'p paasisani suliffimminut uterami sumiiffimmi aqutsisuminut paasitippai.

Tamanna tunngavigalugu suliamik misissuineq politimesterip aallartippaa. Aalajanger-neqarpoq P'p nunaqarfimmut suliarlorluni angalaqqileruni ilaatiqut aapparit Æ kiisalu allat attuumassuteqarsinnaasut killisiusagai.

Æ'kkut killisiorneqarneranni paasinarsivoq haship nassiussorneqarneranut paasissu-tissat inummit K'mit takkuttuusut. K'p politiinut uppersarpaa, nunaqarfimmi haship ajornartorsiutaanera pillugu nalunngisami oqaluunneranut atatillugu oqarsimalluni politiit peqataasartut. K'lli oqaatigaa politiit imatut pasinagit, aammalu hashimik nunaqarfimmut nassiussuinnermut politiit peqataasarnertat uppersaatissaqartinnagu.

Tamatuma kingornatigut suliamik misissuineq politimesterip unitsippaa, isu-

Assersuut 4

maqarami nunaqarfimmi ikiaroorntunik tuniniaanermut politiit peqataasi-manissaat ilimanaate-qanngitsoq.

Aalajangiinermut Politiit pillugit aalajangiiniartartut isumaqataapput.

3.4 § 17, imm. 2 malillugu misissuinerit

Ukiumi nalunaarusiorfiusumi 2012-imi suliaq ataaseq inatsimmi § 17, imm. 2 malillugu aalajangiiffiqineqarpoq, taakkulu politiit akuliunnerannik patsise-qartumik, imaluunniit pineqartup politiinik tiggummineqarnerata nalaani inuup toqusimaneranut imaluunniit annertuumik ajoqusersimaneranut tunngapput. Suliaq Rigsadvokatip 2010-2011-mut nalunaarusiaani immikkoortoq 3.4-mi assersuut 3-tut eqqartorneqarpoq.

Taassuma saniatigut 2012-imi suliaq inatsimmi § 17, imm. 2-mut tunngasoq takkup-poq.

Assersuut 1

Imminortoqarneranit toqusooq

(55PM-00175-00001-12)

Innuttaasoq telefonikkut politiinut saaffiginnippoq oqarlunilu angajoqqaavi eqqissi-viillioortut. Nalunaaquttap akunnerata ataatsip missaa qaangiuttorlu politiinut saaffi-ginneqqippoq oqarlunilu ataatan F, kisimi angerlarsimasooq, oqarsimasooq qoorortuu-mik imminut aallaalluni imminorniarluni.

Kingornatigut najugaa politiit unguaat. Aatsaannguummat F telefonikkut attaveqarfi-galugu isumaqatiginninniarfigigaluarpaat, aammalu F'ip oqaloqatiginissaanut periar-fissarsiorlutik najugaq orniguttut qanillattorpaat. Angerlarsimaffianut isaarissamiit politiit F oqaluuppaat.

F'ip paasitippaa politiit qimagunnissaat kissaatigalugu. Politiit F qinnuigaat telefon-normumik attavigineqarfissaanik taaseqqullugu. Piffissap ilaani F politiit apeqqutaan-nut qisuariangilaq, igerpallallu tusaaneqarpoq.

Politiit illumut isermata F niaqqumigut allaasimasooq nassaarineqarpoq. Tamatuma kingunerisaanit toqukku qimaguppoq.

Suliami misissuineq politiit pillugit naammagittaalliutininut aalajangiiniartartut ilan-ngunnerisigut taamaatinneqarpoq. Politimesteri isumaqarpoq F'ip imminornerata politiit akulerunnerisigut pisimanissaa ilimagissallugu tunngavis-saqanngitsoq, eqqori-arneqarsinnaassammatt F imminorsimasooq.

Malugineqassaaq suliaq 2013-imi aalajangiiffiqineqarmat.

Nalunaarusiani siulianeersuni suliat pineqartut pillugit ilassutit paasissutissat Oqaatigisassaqqanngilaq.

3.5 Suliat Rigsadvokatimit suliarineqarsimasut

Inatsimmi kapitali 5-imi malittarisassanik ilanngussisoqarsimavoq Rigsadvokatip suliarinnittarneranut politimesterimut imaluunniit politimestereqarfimmi sulisunut tunngatillugu (politimestereqarfimmi inatsisilerituut politiitullu atorfillit amerlanngitsut, politimestereqarfiup allatseqarfiani sulisut) iliuusaasut pillugit naammagittaalliutit aamma suliat pinerluttulerinermut tunngasut. Rigsadvokati inatsit malillugu periarfissaqarpoq statsadvokat suliani pinerluttoqarsimaneranik paasiniaatissallugu, mannali tikillugu suliaasat taamaattut nammineerluni suliarisarpai.

Rigsadvokati 2012-imi suliarinneqqaartutut suliamik ataatsimik tigusaqarnikuuvoq. Tamatumunnga tunngaviuvoq, politimesteri isumaqarmat nammineq suliamut qanip-pallaarluni. Suliaq sulii suliarineqarpoq.

Sulinermi mobiltelefonip atoreranuat atillugu pinerluttulerinermik inatsimmik unioqquitsisimasinnaaneq

(RA-2012-362-0006)

Politeeqarfiup sulinermi telefoninut akiligassat misissorneqarnerannut atillugu, politimesterip paasivaa telefonit ilaat vicepolitikommissær P'p atugaa nalinginnaanngit-sumik internetimut atuisorujussuusimasoq.

Tamanna tunngavigalugu politimesterip Rigspolitiinut innersuussutigaa iliuutsit pillugit P malersorneqartariaqartoq.

Nalunaarutigineqarnera tunngavigalugu Rigspolitiit innersuussutigaa, Rigsadvokati qinnuigineqassasoq pillaaataasinnaasumik pisoqarsimanersoq misissoqullugu.

Suliaq sulii Rigsadvokatimi suliarineqarpoq.

Assersuut 1

Kalaallit Nunaanni Politiit pillugit naammagittaalliuutinut aalajangiiniartartut 2012-imut nalunaarusiaat

Kalaallit Nunaanni Politiit pillugit naammagittaalliuutinut aalajangiiniartartut 2012-imi sulianik nutaanik 23-nik tigusaqarput, ukununnga agguataarsimasunik:

Suliat takkuttut:	2012	2011	2010	2009	2008	2007
Suliat nalunaarusiarineqartut	0	0	2	1	0	0
Pissusilersuutit pillugit naammagittaalliuutit	6	5	6	6	15	7
Pinerluttuleraluni suliat	8	6	2	9	14	7
17.2-sager	3	2	1	1	2	2
Suliat angallannermut tunngasut	5	1	5	0	0	4
Misissuilluni suliat	1	1	2	2	0	0
Suliat katillugit	23	15	18	19	31	20

Ukiup ingerlani Aalajangiiniartartut suliat 17-it aalajangiiffigivaat, imatut agguataarsimasut:

Suliat aalajangiiffigine-qartut:	2012	2011	2010	2009	2008	2007
Suliat nalunaaruserineqartut	0	0	2	1	0	1
Pissusilersuutit pillugit naammagittaalliutit	3	9	5	8	15	10
Pinerluttuleraluni suliat	8	5	2	10	18	5
17.2-sager	2	2	1	1	2	2
Suliat angallannermut tunngasut	3	1	5	0	0	5
Misissuilluni suliat	1	1	3	0	0	0
Suliat katillugit	17	18	18	20	35	23

Ukiup naanerani suliat 13-it ingerlapput, suliat Kalaallit Nunaanni Politimesterimit aalajangiiffigineqarnissamat utaqqisut, taakkunannga sisamat 2013-imi januarimi aalajangiiniartartunit aalajangiiffigineqarsimallutik. Sulianit ingerlasunit suliat marluk 2010-meersuupput, ataaseq 2011-meersuulluni sinnerilu 2012-imi takkuttuullutik.

Politimestereqarfimmi sulianik suliarinninnermi piffissap atorneqartup sukateriffigine-qarnera 2012-imi suli ingerlavoq.

2012-imi naammagittaalliutit amerlassusaat 2000-imiilli aaqqissuussinerup atuutilersin-neqarneraniit suliat takkuttut agguaqatigiissillugu amerlassusaaniit suli appasinnerupput, kisiannili innuttaqassuseq aallaavigalugu amerlassut-sit Danmarkimiit suli qaffasinne-rupput.

Pinerluttuleraluni suliani aalajangiiffigineqarsimasuni pingasut Rigspolitiit-nit aammalu Politimestereqarfimmit qulaajarneqarlutik misissuiffigineqarput. Taakkunannga ataaseq politiitut sulisup angalanermut atatillugu naatsorsuusernerinut eqqungitsunut tunnga-voq, tassani pineqartoq sulinermik sumiginnarinnittut aammalu katillugit kr. 8.500-inut peqquserlussimasut unnerluunneqarsimalluni. Suliat sinneri marluk politeeqarfimmi marlunni hashinik arsaarinnissutaasimasunik misissuinnermi paasineqarpoq equngaso-qartoq, arsaarinnissutigineqarsimasut allattorsimaffianni allassimasut malillugit hashiappaani 1.000 gramip missaaniittoq aappaanilu 649 gramip amigaataammata. Misissui-neq tunngavigalugu taakkunani marluusuni haship qanoq tammarisi-

manissaa, aammalu kina pisuusimanersoq, paasineqarsinnaasimangilaq, politeeqarfimmut pineqartumut isersinnaasut tamarmik ikiaroorntartunut arsaarinnissutaasunut isersinnaasimammata, ikiaroorntartunut arsaarinnissutaasunut matuersaat politeeqarfimmi matuersaasivimmi parnaarsimangitsumi, sulisut tamarmik iserfigisinnaasaanni, inissisimammata.

Suliat taakku tunngavigalugit, hashit arsaarinnissutaasut qanoq paarineqarinnissaat, kikkullu taakkununga matuersaateqassanersut, Politimestereqarfiup sukateriffiginikuuaa, maannalu politeeqarfimmi ulluinnarni aqutsisoq kisimi tamatumunnga matuersaate-qartuuvoq.

Pinerluttuleraluni suliani allani aalajangiiffigineqarsimasuni misissuineq taamaatinne-qarpoq, pinerluttoqarsimanissaanut naammattumik tunngavissaqanngimmat.

Pissusilersuutigisat pillugit sulini aalajangiiffigineqarsimasuni suliami ataatsimi, nalunaa-rusiarineqartut naammassineqartumi, politiitut sulisup pissusilersuutaa unnerluutigis-sallugu tunngavissaqarsimavoq, sinnerinilu isornartorsiuinissamut utoqqaatsinissamul-luunniit tunngavissaqarsimanani.

§ 17, imm. 2 malillugu suliani marlunni aalajangiiffigineqarsimasuni, politiit akulerunne-rigut ajoqusernerit, isornartorsiuinissamut tunngavissaqarsimangilaq.

Aalajangiiniartartut Politimesterip uppernarsaatnik naliliisarneranut aammalu sulianut aalajangiiffiginnittarneranut tamanut isumaqataasarput.

Ukiup ingerlanerani Politiit pillugit naammagittaalliutinik aalajangiiniartartut sulianik aalajangiinissamut sisamariarlutik ataatsimiittarsimapput, saniatigullu allakkatigut suliat aalajangiiffigisarlugit.

Aammattaq Aalajangiiniartartut aprilimi Politimestereqarfimmi Nuummiitumi ataatsi-miinnermut peqataapput. Ataatsimiinnermi suliat naammagittaalliutaasut suliarineqar-tarnerannut aporfiusartut piusut aammalu nalinginnaasumik aporfiusartut eqqartornerisa saniatigut Kalaallit Nunaanni politeeqarnermik aaqqissuussinerup allangortinneqarnera eqqartorpaat, politeeqarfiit agguarnerat tallimaniit sisamanut ikilisinneqarsimammata, agguataarnerit kommuninut killigitinneqartut malinneqalermata, aammalu Den Uafhængige Politiklagemyndighedimik suleqateqarneq eqqartorneqarluni.

Aammattaq Aalajangiiniartartut Politimestereqarfik peqatigalugu Nuummi oktoberi qaammat Den Uafhængige Politiklagemyndighed ataatsimeeqatigaat, suliat naammagit-taalliutiginetartut siunissami suliarineqarinnissaanut suleqatigiinnissaq eqqartorneqarluni-ni. Illuatungeriit suleqatigiinnissap pilersinissaanut isumaqataapput, tamannalu erseq-qissaavigissallugu illuatungeriit sulissutigaat.

Ukiut nikinneranni eqqartuussissuserisooq Peter Schriver siulittaasutut tu-
nuarpoq, ataa-nilu atsiortoq siulittaasutut 1. januar 2013 inissippoq. Siulittaa-
sumut sinniisussatut nutaa-tut eqqartuussissuserisooq Anita Strauss Sørensen
ivertinneqarpoq.

Nuuk, ulloq 18. februar 2013

Kalaallit Nunaanni Politiit pillugit naammagittaalliuutinik

Aalajangiiniartartut siulittaa-suut:

Jesper Müller

Suliaasimasunik nalunaarsuut

Rigsadvokatens j.nr.

RA-2012-362-0006

Kalaallit Nunaanni Politimesterip j.nr.

55PM-00173-00008-11

55PM-00171-00001-12

55PM-00172-00007-10

55PM-00174-00005-11

55PM-00174-00007-11

55PM-00172-00005-10

55PM-00172-00002-11

55PM-00174-00008-11

55PM-00174-00004-10

55PM-00174-00003-11

55PM-00175-00026-11

55PM-00175-00001-12

Ilanngussaq

Ilanngussaq 1

**Kalaallit Nunaanni politiit pillugit naammagittaalliutinik aalaja-ngiiniartartut
2012-imi ilaasortai:**

Kalaallit Nunaanni Politiit pillugit naammagittaalliutinik aalajangiiniartartut
Fjeldvej 16
Postboks 59
3900 Nuuk

Siulittaasoq:

Advokat Peter Schriver
Jesper Müller (sinniisussaq)

Kalaallit Nunaanni inatsisartunit inassutigisaq:

Mette Sofie Lerch
Karen Banke Petersen (sinniisussaq)

Kalaallit Nunaanni inatsisartunit inassutigisaq:

Rudolf Heilmann
Jørgen Lund (sinniisussaq)



Rigsadvokaten

Frederiksholms Kanal 16
1220 København K

Telefon 72 68 90 00

